



IROMAG

Odlazni studenti

UPIŠI UNMO
 Mi gradimo budućnost,
 pridružite nam se!

✓ upisi.unmo.ba
 ✓ info@unmo.ba

UPIŠI U TOKU

UNIVERZITET
 "DŽEMAL BIJEDIĆ"
 U MOSTARU

U OVOM BROJU

DIGITALNI MARKETING

**MLADE NADE (UNIJA
 STUDENATA)**

SIMULOVANO SUĐENJE

GOSTUJUĆE

**PREDAVANJE U OKVIRU
 ERASMUS + PROGRAMA
 MOBILNOSTI**

**STUDENTI POGLEDOM U
 PROŠLOST OTVARAJU
 VRATA KA BUDUĆNOSTI**

**PROJEKCIJA FILMA NA
 EKONOMSKOM
 FAKULTETU**

UPIŠI UNMO

by IROUNMO

Mi gradimo budućnost, pridruži nam se!

KONKURS za upis studenata u prvu godinu prvog i drugog ciklusa studija u akademskoj 2022/2023. godini je otvoren do 27.juna 2022. godine. Konkurs za upis u prvu godinu II ciklusa studija u akademskoj 2022/2023. godini je otvoren do 28. oktobra 2022. godine. U prvu godinu studija u akademskoj 2022/2023. godini kandidati se upisuju u skladu sa Planom upisa studenata.


Fakulteti:

Agromediteranski fakultet, Ekonomski fakultet, Građevinski fakultet, Mašinski fakultet, Nastavnički fakultet, Pravni fakultet, Fakultet informacijskih tehnologija, Fakultet humanističkih nauka

DIGITALNI MARKETING KAO UNOSNI POSAO BUDUĆNOSTI

By IROUNMO

Studenti Fakulteta informacijskih tehnologija, Ekonomskog fakulteta, Studija Poslovna informatika i Studija Dizajn interijera, su imali čast slušati jednog od najvećih stručnjaka iz oblasti digitalnog marketinga na ovim prostorima, vlasnika agencije za digitalni marketing "WEB STUDIO" Mostar, gospodina Adija Đukića. Razgovaralo se o poslovima i trendovima u digitalnom marketingu, konceptu kreiranja online reputacije i marketing strategije.



"Čast mi je bila prisustvovati predavanju uspješne ličnosti kao što je Adi Đukić. Naučio sam dosta novih stvari i prošireni su mi vidici u vezi same primjene, ali i koristi digitalnog marketinga. Digitalni marketing je oblast sa kojom ćemo se definitivno susretati u našoj karijeri. Nakon predavanja sam dobio želju da se oprobam u tim vodama", kazao je Admer Jašarević, student Fakulteta informacijskih tehnologija.

"Radionica je bila zanimljiva i korisna. Prije nje nisam imao skoro nikakvog znanja o digitalnom marketingu i njegovim principima. Stekli smo znanje o prednostima digitalnog marketinga kao što su niža cijena marketiranja ako je kampanja dobro urađena, te bolje dopiranje do ciljane publike. Mnogi načini digitalnog marketiranja su laki za naučiti što je veoma bitno za manje privatne biznise koji ne žele da imaju veće troškove. Također smo se upoznali sa digitalnim marketingom kao profesijom koja može da donese ogromne zarade", izjavio je Amar Pivčić, student Fakulteta informacijskih tehnologija.

MLADE NADE UNIVERZITETA

By IROUNMO

U rektoratu Univerziteta „Džemal Bijedić“ u Mostaru je upriličen prijem za asistente, nove zaposlenike Univerziteta.

Asistente je u ime kolektiva Univerziteta „Džemal Bijedić“ u Mostaru pozdravila rektor prof. dr. Alena Huseinbegović, te im čestitala na zasnivanju radnog odnosa.

Asistenti koji su potpisali ugovor o zasnivanju radnog odnosa na Univerzitetu „Džemal Bijedić“ u Mostaru su:

Mr. Mehić Emina - viši asistent za područje: Prirodne nauke, polje: Hemija, grana: "Biohemija" na Univerzitetu studiju Farmacija

Mr. Damir Špago - viši asistent za područje: Tehničke nauke, polje: Mašinstvo, grana: "Procesno- energetska mašinstvo" na Mašinskom fakultetu

Mr. Inga Kotlo viši asistent za područje: Humanističke nauke, polje: Filologija, grana a) Lingvistika i b) Anglistika na Odsjeku za engleski jezik i književnost na Fakultetu humanističkih nauka

Mr. Indira Husić viši asistent za područje: Društvene nauke, polje: Psihologija, grana: "Opšta psihologija" na Nastavničkom fakultetu

Mr. Fatima Trbonja - viši asistent za područje Humanističke nauke, polje: Filologija, grana A) Bosnistika/Kroatistika/Srbistika B) Teorija i historija književnosti na Odsjeku za bosanski jezik i književnost na Fakultetu humanističkih nauka

Mr. Alena Čemalović - viši asistent za područje Društvene nauke, polje: Kineziologija, grana: "Kineziologija sporta i rekreacije" na Nastavničkom fakultetu

Mr. Jasmina Gerin Pelo - viši asistent za područje: Društvene nauke, polje: Sociologija, grana: "Posebne sociologije" na Nastavničkom fakultetu

Asistentima koji su potpisali ugovore sa Univerzitetom „Džemal Bijedić“ u Mostaru želimo sreću i uspjeh u budućem radu i nastavku akademske karijere.



2. MJESTO NA DRŽAVNOM TAKMIČENJU U SIMULOVANOM SUĐENJU

By IROUNMO

Studenti Pravnog fakulteta Univerziteta "Džemal Bijedić" u Mostaru su zauzeli visoko 2. mjesto nakon poraza u finalu od Pravnog fakulteta Univerziteta u Zenici. Pri izjednačenom rezultatu konačna odluka u korist Pravnog fakulteta u Zenici donesena sudijskim preglasavanjem.

Pravni fakultet su predstavljali Minela Dugalić, Jasmina Ulaković, Arif Špago i Armin Baljić, uz podršku trenera prof. dr. Denisa Pajića, doc. dr. Sunčice Hajdarović i ass. mr. Aldina Jelovca.

Najbolji podnesak ispred respodenata je imao Pravni fakultet Univerziteta "Džemal Bijedić" u Mostaru, a dok je najbolji govornik takmičenja bio naš student Armin Baljić.

Državno takmičenje u simulovanom suđenju održano je prošlog vikenda u organizaciji Studentskog zbora Pravnog fakulteta Sveučilišta u Mostaru održano uz podršku Misije OSCE u Bosni i Hercegovini i Visokog sudskog i tužilačkog vijeća.



GOSTUJUĆE PREDAVANJE U OKVIRU ERASMUS + PROGRAMA MOBILNOSTI

By IROUNMO

8. juna, na Ekonomskom fakultetu održano je gostujuće predavanje od strane prof. dr. Ramón Bouzas Lorenzo, dekan Fakulteta političkih i društvenih nauka Univerziteta u Santiagu de Compostela, Španija.

U sklopu predmeta “Menadžment ljudskih resursa”, čiji je nosilac prof.dr. Sanvila Vuk, prof. dr. Ramón Bouzas Lorenzo je obradio temu “Osnove liderstva u organizaciji”. Gostujući profesor na vrlo zanimljiv način predstavio je pojam liderstvo, objasnio svrhu i ulogu liderstva te važnost pravog lidera za organizaciju. Na kraju izlaganja stvorena je diskusija o samoj temi što je dodatno učvrstilo stečena znanja studenata iz ove oblasti.



STUDENTI POGLEDOM U PROŠLOST OTVARAJU VRATA KA BUDUĆNOSTI

By IROUNMO

Zainteresirani pričom o mjestu lijepih uspomena, studenti Ekonomskog fakulteta Univerziteta „Džemal Bijedić“ u Mostaru, odlučili su kreirati marketing projekat za Hotel Buna. Nostalgijom nastoje povratiti sjećanja na osamdesete godine prošlog vijeka kada je Buna (te i sami Hotel) bila jedna od glavnih atrakcija na ovim prostorima.

Iako su rođeni i dvije decenije poslije, saznaju od svojih roditelja, deda i nena/baka, da su to bila vremena kada je sve bilo ljepše, kada su se ljudi više poštovali, družili i stvarali zajedno lijepe uspomene. Pitaju se: „Zar tako nešto ne bi trebali probuditi i kod novih generacija?“

Uz svesrdnu pomoć menadžmenta i zaposlenika Hotela Buna, te uz red, rad i disciplinu uspjeli su kreirati marketing projekat, te snimiti kratak videozapis kojim povezuju prošlost i sadašnjost, te ponosno konstatuju da prošlost itekako može da ima svijetlu budućnost.

Kreatori ovog projekta: Cokoja Emir, Turajlić Melisa, Obad Anisa, Klepo Nejla i Imamović Đana, pozivaju sve generacije, Mostarce, Bosance i Hercegovce, da posjete Bunu i novootvoreni Hotel, kako bi stvorili/osvježili nezaboravne uspomene.



PROJEKCIJA FILMA "BEFORE THE FLOOD"

By IROUNMO

Projekcija filma "Before the flood"

Na Ekonomskom fakultetu, dana 7. juna, povodom svjetskog dana okoliša, prikazan je film "Before the flood", nakon čega je uslijedila diskusija o klimatskim promjenama i globalnom zatopljenju. Diskusiju je vodila gospođa Slađana Bundalo, koja se godinama bavi pitanjem klimatskih promjena.

Također, o ovoj temi i budućim aktivnostima, snimljen je i video prilog, koji će naknadno biti objavljen.

"Before the flood" je dokumentarni film iz 2016. o klimatskim promjenama u režiji Fishera Stevensa. Film je nastao kao saradnja između Stevensa, Leonarda DiCapria, Jamesa Packera, Bretta Ratnera, Trevora Davidoskog i Jennifer Davisson Killoran. Martin Scorsese je izvršni producent.



ahbab - drug, prijatelj
bezbeli - naravno, sigurno
jazuk - šteta

zijan - učinjena šteta
čehra - izraz lica
srklet - osjećaj nelagode.

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

